

31 დეკემბერი 2015 წელი

ქ. გორი

ერთის მხრივ, ა(ა)იპ ქ. გორის მუნიციპალიტეტის მერიის კეთილმოწყობის სამსახური“ (შემდგომში „შემსყიდველი“), მისი დირექტორის ირაკლი ტლაშაძის სახით და მეორეს მხრივ, შპს „გაზიმპექსი“ ს/კ 205141979 მისი დირექტორის ანდრია ლილუაშვილის (შემდგომში „მიმწოდებელი“) მისი ნდობით აღჭურვილი პირის მამუკა ლილუაშვილის სახით, ვხელმძღვანელობთ, რა საქართველოში მოქმედი კანონმდებლობით, ეღებო წინამდებარე ხელშეკრულებას შემდეგზე:

1. ხელშეკრულების საგანი

1.1 ხელშეკრულების საგანია: ადგილობრივი ბიუჯეტის სახსრებით სახსრებით, სახელმწიფო შესყიდვების სააგენტოს თავმჯდომარის „გამარტივებული შესყიდვების კრიტერიუმების განსაზღვრის და გამარტივებული შესყიდვის ჩატარების წესის დამტკიცების თაობაზე 2015 წლის 17 აგვისტოს #13 ბრძანების და SMR 150001409 თანხმობის საფუძველზე, გადაუდებელი აუცილებლობიდან გამომდინარე, გამარტივებული შესყიდვით, CPV 09123000, კოდით საწვავი-ბუნებრივი აირის შესყიდვა წინამდებარე ხელშეკრულებით გათვალისწინებული პირობების შესაბამისად.

2. შესყიდვის ობიექტი

2.1. შესყიდვის ობიექტია: 4000 კუბ/მ ბუნებრივი აირი

3. ხელშეკრულების ხაეროთ ღირებულება

3.1 შესყიდვის ობიექტის ფასი განისაზღვრება ეროვნული ვალუტით (ლარი).

3.2 შესყიდვის ობიექტის ხაეროთ ღირებულება შეადგენს 5000.00 (ხუთიათასი) ლარს და 00 თეთრს.

4. შესყიდვის ობიექტის ხარისხი და გარანტია

4.1. მიმწოდებელი იძლევა გარანტიას, რომ შესყიდვის ობიექტის ხარისხი უპასუხებს ხელშეკრულების პირობებს და დააკმაყოფილებს შემსყიდველის მიერ განსაზღვრულ მოთხოვნებს.

5. შესყიდვის ობიექტის მიწოდების ვადები და პირობები

5.1. შესყიდვის ობიექტის შემსყიდველისთვის მიწოდება განხორციელდება 2016 წლის 01 იანვრიდან 2016 წლის 31 იანვრამდე

5.2. შესყიდვის ობიექტის მიწოდების პარალელურად, მიმწოდებელი ვალდებულია უზრუნველყოს თანხლები დოკუმენტაციის წარდგენა შემსყიდველისათვის (მიღება-ჩაბარება /ან სასაქონლო ზედნადები /ან საგადასახადო ანგარიშფაქტურა).

6. ანგარიშსწორების ფორმადა გრაფიკი (ვადები)

6.1. მიმწოდებელთან ანგარიშსწორება განხორციელდება ეროვნული ვალუტით (ლარი).

6.2. შესყიდვის ობიექტის ღირებულების ანაზღაურება მოხდება უნაღდო ანგარიშსწორებით.

6.3. ანგარიშსწორება შემსყიდველის მიერ მოხდება შესყიდვის ობიექტის მიწოდებისა და წინამდებარე ხელშეკრულების 5.2. მუხლში მოითითებული დოკუმენტაციის წარმოდგენის შემდეგ არაუმეტეს 30 (ოცდაათი) საბანკო დღის ვადაში.

7. მხარეთა უფლება-მოვალეობანი

7.1. შემსყიდველს უფლება აქვს:

- შეამოწმოს შესყიდვის ობიექტის ხარისხის შესაბამისობა ხელშეკრულებით გათვალისწინებულ პირობებთან.

7.2. შემსყიდველი ვალდებულია:

- მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;

- უზრუნველყოს შესყიდვის ობიექტის მიღება;

7.3. მიმწოდებელს უფლება აქვს:

მოხდის შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული პირობებით.
მიმწოდებელი ვალდებულია:
შიაწოდოს შემსყიდველს ხელშეკრულებით გათვალისწინებული შესყიდვის ობიექტი 2016 წლის 01 იანვრიდან 2016 წლის 31 იანვრამდე
- დაიცვას ხელშეკრულებით გათვალისწინებული ყველა პირობა.

8. მხარეთა პასუხისმგებლობა ხელშეკრულების დარღვევისას

- 8.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.
- 8.2. თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებით განსაზღვრული ვადის უშუალოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოიყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.
- 8.3. ხელშეკრულების გასვლისას მხარეს შეუძლია მოითხოვოს ზიანის ანაზღაურება, რომელიც მას შიდაგა მეორე მხარის მიერ ხელშეკრულებით ნაკისრი ვალდებულების შეუსრულებლობით.
- 8.4. ხელშეკრულებიდან გასვლასთან და ზიანის ანაზღაურებასთან დაკავშირებით შესაბამისად გამოიყენება საქართველოს სამოქალაქო კოდექსი.
- 8.5. ხელშეკრულებით გათვალისწინებული ვალდებულების შეუსრულებლობის ან ვალდებულების შესრულების ვადების დარღვევის შემთხვევაში, დამრღვევ მხარეს დაეკისრება პირგასამტეხლოს გადახდა ვალდებულების შესრულების ყოველ ვადაგადაცილებულ დღეზე შეუსრულებელი ვალდებულების ღირებულების 0.5%-ის ოდენობით.

9. ხელშეკრულების მოქმედების ვადა

- 9.1. ხელშეკრულების მოქმედების ვადა განისაზღვრება ხელშეკრულების გაფორმების დღიდან 2016 წლის 01 აპრილამდე

10. ხელშეკრულების პირობების გადასინჯვის შესაძლებლობა

- 10.1. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

11. ფორს-მაჟორი

- 11.1. მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოიწვევლია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და ხომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ.
- 11.2. თუ სახელშეკრულებო ვალდებულებების მოღიანი ან ნაწილობრივი შეუსრულებლობის პირობები გაგრძელდა სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.
- 11.3. მხარე რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს.

12. დავები და მათი გადაწყვეტის წესი

- 12.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.
- 12.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

ხელშეკრულების ინსპექტირების პირობები

13.1. შემსყიდველი უფლებამოსილია შესყიდვის ობიექტის მიწოდების პარალელურად განხორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

13.2. ხელშეკრულების ინსპექტირებას შემსყიდველის მხრიდან განხორციელებს აა(ი)პ ქგორის მუნიციპალიტეტის მერიის კეთილმოწყობის სამსახური – საწყობის სპეციალისტი გია მაისურაძე.

14. სხვა პირობები

14.1. მხარეები აუნახდაურებენ ერთმანეთს მიყენებულ ზარალს საქართველოს კანონმდებლობის შესაბამისად.

14.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

14.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

14.4. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან, ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.5. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

15. მხარეთა იურიდიული მისამართები და რეკვიზიტები

„შემსყიდველი“:


ა(ა)იპ „ქალაქ გორის მუნიციპალიტეტის მერიის კეთილმოწყობის სამსახური“

მის: გორი, სტალინისგამზირი #16

ს/კ 417884757

ტელ: 599445868

დირექტორი:

 ირაკლი ტლაშაძე



„მიმწოდებელი“:

შპს „გაზიმპექსი“

ს/კ 205141979

მის: თბილისი, კანდელაკის ქ.#1

ბანკი: ბანკი ქართლ

ბ/კ: CRTUGE22

ა/ა: GE76CR0000000020283602

მინდობის



მამუკა ლილუაშვილი



შეზღუდული პასუხისმგებლობის

Limited Liability Company "Gaz-Impex"

საზოგადოება "გაზ-იმპექსი"

საიდ. კოდი 205141979 თიბისი ბანკი პ/ანბ GE90 TB 7026836020100015

საქართველო ქ.თბილისი კანდელაკის №1 ტელ: 591 800 300

თარიღი 29.12.2015 წელი

მ ი ნ დ ო ბ ი ლ ო ბ ა

შ.პ.ს. "გაზ-იმპექსი" (საიდ/კოდი - 205141979) დირექტორი ანდრია ლილუაშვილი
(პირ/ნომ. 01024021104) ენდობა მამუკა ლილუაშვილს (პირ/ნომ. 01026007335) მასზედ, რომ
იყოს შ.პ.ს. "გაზ-იმპექსი"-ს წარმომადგენელი აა(ი)პ ,, ქალაქ გორის მუნიციპალიტეტის
მერიის კეთილმოწყობის სამსახურ "-ში
და აღნიშნული ფირმისთვის აწარმოოს ყველა საჭირო ოპერაცია და ხელი მოაწეროს
საქმესთან დაკავშირებულ შესაბამის დოკუმენტს.

მინდობილობა ძალაშია 2015 წლის 29 დეკემბრიდან 2016 წლის 31 დეკემბრამდე..

შ.პ.ს. "გაზ-იმპექსი"-ს დირექტორი:

ა. ლილუაშვილი

/ ანდრია ლილუაშვილი /



თარიღი 29.12.2015 წელი



სახელმწიფო შესყიდვების
სააგენტოს თავმჯდომარის
გ ა ნ კ ა რ გ უ ლ ე ბ ა



KA080193047606715

1920

30 / დეკემბერი / 2015

წ.

ააიპ „ქ. გორის მუნიციპალიტეტის მერიის კეთილმოწყობის სამსახურისთვის“ სახელმწიფო შესყიდვის გამარტივებული შესყიდვით განხორციელების შესახებ თანხმობის გაცემის თაობაზე

აღწერილობითი ნაწილი

სახელმწიფო შესყიდვების სააგენტოში 2015 წლის 25 დეკემბერს სახელმწიფო შესყიდვების ერთიანი ელექტრონული სისტემის SMP მოდულის მეშვეობით წარმოდგენილ იქნა ააიპ „ქალაქ გორის მუნიციპალიტეტის მერიის კეთილმოწყობის სამსახურის“ SMP150001409 მომართვა გადაუდებელი აუცილებლობის საფუძველზე გამარტივებული შესყიდვის განხორციელებაზე თანხმობის გაცემის შესახებ.

მომართვის მიხედვით, შემსყიდველი გეგმავს საავტომობილო ბუნებრივი აირის შესყიდვას (CPV-09100000).

შემსყიდველი ორგანიზაციის განმარტებით, კეთილმოწყობის სამსახური ახორციელებს ქ. გორიდან საყოფაცხოვრებო ნარჩენების გატანას და ვინაიდან უმეტესი ავტოსატრანსპორტო საშუალებები მუშაობს ბუნებრივ აირზე ესაჭიროებათ ზემოაღნიშნული შესყიდვის განხორციელება.

შემსყიდველი ორგანიზაციისგან განმარტებით, მიმდინარე წლის დეკემბრის თვეში გამოცხადდა ორი გამარტივებული ელექტრონული ტენდერი (SPA150033281; SPA150035264). 2015 წლის 8 დეკემბერს გამოცხადებული ტენდერი (SPA150033281) პრეტენდენტის დისკვალიფიკაციის გამო დასრულდა უარყოფითი შედეგით. ხელშეორედ გამოცხადებული ტენდერი უშედეგოდ დასრულდა 2015 წლის 25 დეკემბერს, რამაც გამოიწვია მომსახურების გადაუდებელი აუცილებლობით შესყიდვის საჭიროება.

სამოტივაციო ნაწილი

სააგენტომ იმსჯელა შემსყიდველი ორგანიზაციის მომართვაზე, შეაფასა მასში მითითებული ინფორმაცია და დაადგინა, რომ იგი აკმაყოფილებს სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული „გამარტივებული შესყიდვის კრიტერიუმებისა და გამარტივებული შესყიდვის ჩატარების წესის“ მოთხოვნებს.

სააგენტო მიიჩნევს, რომ სახეზეა გადაუდებელი აუცილებლობით შესყიდვის განხორციელების საჭიროება, იმდენად რამდენადაც, როგორც წარმოდგენილი მომართვიდან ირკვევა, შემსყიდველმა ორგანიზაციამ სატენდერო

წოდებულების გამოყენებით ვერ შეძლო ზემოხსენებული მომსახურების შეძენა. ამასთან ნარჩენების გატანის მომსახურების შეუსრულებლობა გამოწვევს ქალაქში ანტისანიტარიას. შესაბამისად, სააგენტო მიზანშეწონილად მიიჩნევს მომართვაში აღწერილი შესყიდვა განხორციელდეს გადაუდებელი აუცილებლობის საფუძველით.

ამავდროულად, სახელმწიფო შესყიდვების სააგენტო მიუთითებს შემსყიდველ ორგანიზაციის, რათა მან დამატებით შეისწავლოს ტენდერის უშუალოდ დასრულების მიზეზები და განახორციელოს სათანადო ღონისძიებები შემდგომში ასეთი ფაქტების თავიდან აცილების მიზნით.


საგულისხმოა, რომ აღნიშნულ საკითხთან დაკავშირებით დაინტერესებულ პირებს სისტემის SMP მოდულში მოსაზრება არ გამოუხატავთ.

სარეზოლუციო ნაწილი

სააგენტომ იხელმძღვანელა სახელმწიფო შესყიდვების სააგენტოს თავმჯდომარის 2015 წლის 17 აგვისტოს № 13 ბრძანებით დამტკიცებული „გამარტივებული შესყიდვის კრიტერიუმებისა და გამარტივებული შესყიდვის ჩატარების წესის“ მე-7 მუხლის პირველი და მე-6 პუნქტებით და დაადგინა:

1. დაკმაყოფილდეს ააიპ „ქალაქ გორის მუნიციპალიტეტის მერიის კეთილმოწყობის სამსახურის“ SMP150001409 მომართვა და შემსყიდველ ორგანიზაციას მიეცეს თანხმობა გამარტივებული შესყიდვის განხორციელებაზე.
2. ეს განკარგულება შეიძლება გასაჩივრდეს მისი ოფიციალური გაცნობის დღიდან ერთი თვის ვადაში, თბილისის საქალაქო სასამართლოს ადმინისტრაციულ საქმეთა კოლეგიაში (ქ. თბილისი, დ. აღმაშენებლის ხეივანი მე-12 კმ. №6), კანონმდებლობით დადგენილი წესით.

თავმჯდომარე



ლევან რაზმაძე